

通志堂經解

第九冊
玉函

儀禮卷第四

鄉飲酒禮第四

注曰此於五禮屬嘉禮

繼公謂鄉飲酒者士與其同鄉之士大夫會聚于鄉學而飲酒之禮也

鄉飲酒之禮主人就先生而謀賓介

將與其鄉人飲酒乃於衆賓之中擇其最賢者爲賓其次者爲介謀謂商度其孰優也必就先生謀之者不敢擅自可否去取且示有所尊也

右謀賓介

敖

繼公

集說

主人戒賓賓拜辱主人荅拜乃請賓賓禮辭許主人再拜賓荅拜

注曰拜辱拜其自屈辱至己門也

繼公謂主人戒賓言主人爲戒賓而來也此拜辱即拜迎也請謂致戒辭於賓也其辭卒曰請子爲賓

主人退賓拜辱

此即拜送也拜迎拜送皆言拜辱者蓋一儀而兼二義也迎送者據己言也辱者據彼言也此經言戒賓之儀略者亦以士冠禮宿賓之儀見之也下速賓放此後篇同

介亦如之

注曰如戒賓也

右戒賓介

乃席賓主人介

席賓主人介者爲賓主人介設席也席賓於戶牖
間主人於東序介於西序少牢下篇席主人於東
序西面席侑於西序東面侑介之位同也

衆賓之席皆不屬焉

屬音燭

注曰席衆賓於賓席之西

疏曰鄉射云席賓南面東上衆賓之席繼而西
繼公謂衆賓衆賓長三人也屬連接也必不屬者

爲其升降皆由下也以是觀之則賓位在戶西牖東而當兩楹之間明矣此席亦東上凡席皆有司設之

尊兩壺于房戶間斯禁有玄酒在西設篚于禁南東肆加二勺于兩壺

疏曰東肆以頭首爲記從西鄉東上頭在西也

繼公謂斯者禁之名也其制未聞設篚于禁南其間當容人蓋酌者北面也東肆放尊之西上也記云尊綏冪賓至徹之則此二勺皆加于冪上矣亦與祭禮微異

設洗于阼階東南南北以堂深東西當東榮水在洗

東籬在洗西南肆

深式
鳩反

右設席器

羹定

注曰肉謂之羹定猶孰也著之者下以爲節

疏曰孰云定者孰即定止故也

繼公謂此時肉與湑同在鑊故謂之羹 案注云

下以爲節者謂下事以此爲節也諸篇凡言羹定

者皆然

主人速賓賓拜辱主人荅拜還賓拜辱

注曰速召也還猶退

繼公謂召之而云速者欲其來之速也速賓之儀

與戒賓同此經文又略也賓不遂從之者爲主人復當速介

介亦如之

注曰如速賓也

疏曰是日必當遣人戒速衆賓但略而不言故下云賓及衆賓皆從之

繼公謂衆賓亦戒速而經惟言賓介者亦以主人親爲之其禮重故特著之爾

賓及衆賓皆從之

注曰言及衆賓介亦在其中矣

繼公謂主人旣速介即先歸介及衆賓皆至于賓

之門外俟賓同往也

右速賓介

主人一相迎于門外再拜賓賓荅拜拜介介荅拜

相息亮反

注曰相擯贊傳命者

繼公謂亦相者入告主人乃出迎之拜介亦再拜
文省耳一相蓋學中之有司給事於飲射之禮者
變擯言相見其不獨爲擯者之事而已也古者與
鄉人飲射必於學宮者以其深廣且有司及器用
皆備具故也

揖衆賓

注曰差卑也拜介揖衆賓皆西南面

主人揖先入

注曰揖揖賓也

繼公謂不言入門右可知也亦以賓入門左見之

賓厭介入門左介厭衆賓入衆賓皆入門左北上厭一涉反

注曰賓之屬相厭變於主人也推手曰揖引手曰

厭

繼公謂厭之使入禮之也下放此鄉射禮曰東面

北上

主人與賓三揖至于階三讓主人升賓升

三揖三讓說皆見士冠禮鄉射禮曰主人升一等

賓升

右迎賓

主人阼階上當楣北面再拜賓西階上當楣北面答

拜

楣音眉

注曰楣前梁也

繼公謂此拜至也說見士昏禮

右拜至

主人坐取爵于篚降洗

取爵蓋北面也爲洗而降故云降洗下文類此者
不悉見之

賓降

注曰從主人也

繼公謂賓降之位見下文

主人坐奠爵于階前辭

注曰重以已事煩賓也

繼公謂賓從降而主人辭亦尚辭讓也下放此奠

爵乃辭者事異則不宜相雜且爲敬也西面坐奠

爵興辭

賓對

注曰賓主之辭未聞

繼公謂對時亦少進位下文云賓對復位是也

主人坐取爵興適洗南面坐奠爵于筐下盥洗

注曰筐下筐南

繼公謂南面坐于洗北乃奠爵于筐南不敢由便也盥洗既盥復坐取爵而將洗之也凡洗者必盥經不悉見之也盥洗皆立

賓進東北面辭洗

進者少南行也南於洗西乃止而東北面鄉主人辭洗之意與辭降同凡言洗於辭洗之前皆將洗而未洗者也若既洗則何以辭爲

主人坐奠爵于筐興對賓復位當西序東面

注曰言復位者明始降時位在此

疏曰上直云賓降不言處所於此見之是舉下以明上之義

繼公謂此奠爵于筐爲將洗而致敬也當西序東
西節也下文云賓降立于階西當序

主人坐取爵沃洗者西北面

沃鳥
毒反

沃洗謂以料盥水而沃洗爵者也西北面宜鄉洗
者也旣則西面于水東主人南面洗而西北面沃
此則北面洗者其西南面沃之與沃洗者先亦沃
盥

卒洗主人壹揖壹讓升

升亦主人先而賓從之

賓拜洗主人坐奠爵遂拜降盥

拜洗者謝其爲已洗也必盥者爲將酌也旣拜而

盥爲拜時以右掌據地不無舛汗也內則曰凡男拜尚左手

賓降主人辭賓對復位當西序

對時違其位故云復下主人對放此

卒盥揖讓升賓西階上疑立

疑舊魚乞反下並同

䟽曰不言一揖一讓從上可知

主人坐取爵實之賓之席前西北面獻賓

注曰獻進也進酒於賓

繼公謂實者實以酒謂酌也西北面者亦以將授賓而不宜背之也其下禮之類此者則因而放之

耳

賓西階上拜主人少退

注曰少退少辟

繼公謂主人西北面於賓席前賓拜於西階上而主人乃少退則是凡拜皆有相之者矣

賓進受爵以復位主人阼階上拜送爵賓少退

注曰位西階上位

疏曰鄉射云賓進受爵于席前

薦脯醢賓升席自西方乃設折俎

折之設反

賓席亦東上西方下也

主人阼階東疑立賓坐左執爵祭脯醢

立於阼階上之東者事未至宜辟拜處也

奠爵于薦西興右手取肺卻左手執本坐弗繚右絕末以祭尚左手齊之興加于俎

繚音了

注曰繚猶紵也離肺上爲本下爲末

繼公謂執本卻左手則絕末覆右手矣絕末以祭者絕其末不沒之處所以爲祭也此與振祭之意相類尚左手齊之謂舉其左手而右手在下以末授口齊之也將齊乃尚左手則祭時不然矣加于俎以右手

坐掄手遂祭酒

掄舒鉤反

注曰掄拭也拭以巾掄手爲絕肺染汙也

疏曰內則事佩之中有悅則賓客自有悅中以拭

也

興席末坐啐酒

席末席西端也無後事而啐酒者欲知其旨而告之也

降席坐奠爵拜告旨執爵興主人阼階上荅拜

注曰降席席西也旨美也

繼公謂拜乃告旨謝其以旨酒飲已也降席即拜者欲近於啐酒之處且以別於拜旣也旣拜則坐以告旨

賓西階上北面坐卒爵興坐奠爵遂拜執爵興主人

阼階上荅拜